

祁縣志卷二

祁縣知縣陳 時編輯

疆域 坊村 市集附

禹貢敘九州八州皆言疆界而冀不言者以餘州所至可見重

神京也他如荆河海岱則畫表區疆立之準望周禮形方氏掌制邦國之地域而正其封疆皆師其意而行之祁壤接沁汾為郡南重邑四履所至井疆歷歷凡徑路之數遠近之實與夫商民走集之所瞭如指掌庶幾發徵期會乘地之利以利民云志疆域

祁縣志

卷二

疆域

一

縣在府南少西一百四十里

府志作在府南一百五十里

東至太谷縣界白圭鎮三十里少北至太谷縣治四十里

西至文水縣界二十五里文水縣治七十里

南至汾州府平遙縣界十三里

北至徐溝縣清源鄉界三十里少西至清源舊治六十里

按清源鄉舊為清源縣今省入徐溝縣

東南至沁州武鄉縣界下凹村一百二十里武鄉縣治

二百二十里

西南至平遙縣界交界舖一十五里平遙縣治四十五里

東北至徐溝縣界北堡村四十里徐溝縣治五十里

西北至文水縣界城趙村十里文水縣治六十里

東西相距五十里南北相距一百五十里

南北袤四十三里

通志作東西廣五十五里

周四百里由縣治東北一百四十里達府治一千二百里達

祁縣志

卷二

疆域

二

京師

東南通武鄉山北關至來遠鎮十里盤陀鎮紫紅鎮胥二十里團柏太谷舖胥十里又白圭十里抵徐溝西南達平遙山交界牌至韓家莊十里豐澤沙河胥十五里南左十里星行十里抵徐溝此孔道也東四十里至太谷西六十里至文水西北六十里至清源此小道也

村坊附

東路

三合村 距縣二里

王村 距縣八里明嘉靖二十年築堡

邢城村 距縣八里

西六支 距縣十里明嘉靖二十年築堡

南北劉家堡 距縣俱十里

溫山村 距縣十里明嘉靖二十年築堡

梁家堡 距縣十里

河灣村 距縣十二里

南社村 距縣十二里

東六支 距縣十五里

武鄉村 距縣十七里明嘉靖二十年築堡

王喬村 距縣十八里

東高家堡 距縣二十里

大賈村 距縣二十里

小賈村 距縣二十里

瓦屋村 距縣二十里

喬家堡 距縣二十里

牛車村 距縣二十里

祁縣志

卷二 疆域

三

西觀村 距縣二十五里

東觀鎮 距縣二十五里

張庄村 距縣二十五里

南團栢 距縣二十五里

東炮守堡 距縣三十里

張家堡 距縣三十里

北團栢 距縣三十里

中梁村 距縣三十里

團栢舖 距縣三十里

東谷戀 距縣三十五里

張家堡營 距縣三十五里

白圭鎮 距縣三十五里明嘉靖二十年築堡

天衢村 距縣四十里

峪口村 距縣四十里

北梁村 距縣四十里

閻家庄 距縣四十里

侯家庄 距縣四十五里

杜家庄 距縣四十五里

嶺北庄 距縣七十里

上庄 距縣七十里

溫家背 距縣七十里

南路

城南村 距縣二里

谷村 距縣五里

下申村 距縣五里

申村 距縣十里

小韓村 距縣十里

大桑村 距縣十里

小桑村 距縣十二里

張名村 距縣十三里

閣漫村 距縣十五里

蒲菘村 俗呼菩薩村 距縣十五里

王斜村 距縣十五里

古縣村 距縣十五里

祁縣志

卷二

疆域

四

下閣燦 距縣十五里

大韓村 距縣十五里

上閣燦 距縣二十里

許子八洞 距縣二十里

元臺溝 距縣二十里

澗壑村 距縣二十一里

段家窰 距縣二十二里

澗村 距縣二十二里

岡上村 距縣二十五里

任村 距縣二十五里

胡累北岡 距縣二十五里

梁村 距縣二十五里

李家灣 距縣二十五里

北建安 距縣二十五里

南建安 距縣二十七里

部北村 距縣二十八里

新寨村 距縣三十里

紫紅嶺 距縣三十里

魯村 距縣三十里

三賈村 距縣三十五里

西磨支 距縣四十里

火圪洞 距縣四十里

盤陀鎮 距縣五十里

張登溝 距縣五十五里

東峪溝 距縣七十里

來遠鎮 距縣七十里

北關鎮 距縣八十里

南鳳溝 距縣九十里

西路

九及村 今名九角村 距縣三里

北谷豐 距縣三里

南谷豐 距縣五里 明嘉靖二十年築堡

白圭村 距縣五里

常家堡 距縣五里

閻名村 距縣八里

祁縣志

卷二

疆域

五

修善村 距縣十里

城趙村 距縣十里

朴村 距縣十里

韓家庄 距縣十里

高城村 距縣十里

豐戶村 今名豐固村 距縣十二里

任何堡 距縣十三里

西韓村 距縣十五里

雅安村 距縣十五里

東城村 距縣十五里

西高家堡 距縣十五里

東西營 距縣十五里

夏家堡 距縣十五里

鄭家庄 距縣十五里

西建安 距縣二十里

西砲守堡 距縣二十里

上段村 距縣二十五里

上曲村 距縣三十里

新堡村 距縣三十里

段城村 距縣三十里

北路

會善村 距縣二里

豐澤村 距縣五里

秦村 距縣八里

高村 距縣十里 明嘉靖二十年築堡

康陽羽 距縣十五里

賈令鎮 距縣十五里 明嘉靖二十年築堡

西陽羽 距縣十五里

沙堡村 距縣十五里

塔寺村 距縣二十里

姜家堡 距縣二十里

范公村 距縣二十里

谷戀堡 俗呼北園圖 距縣二十里 明嘉靖二十年築堡

吳家堡 距縣二十里

左東村 距縣二十里

祁縣志

卷二

疆域

六

南左村 距縣二十里

北左村 距縣二十五里

戴家堡 距縣二十五里

長頭村 距縣二十五里

鞏家堡 距縣三十里

程家庄 距縣三十里

北堡村 距縣三十五里

牛家堡 距縣三十五里

曉義村 距縣四十里

大義村 距縣四十里

市集附

縣市 奇日各市輪開自辰至午

賈令鎮 故縣 今廢

城趙 今廢

上段 今廢

潤村 今廢

紫紅 俗作子洪

來遠 東觀

北左

長頭

梁村
市俱耦

祁縣志

卷二

疆域

七

山川形勝 水利附

祁處太原南偏嶽鎮遙拱河濟外繁近則麓臺南接太行巨源北注汾水歷漢魏唐宋代多偉人甲於一郡果山川之降神篤生歟抑人之輝媚乎山川也易曰地險山川邱陵也故言形勝者重焉而溝渠畝澮之資於水其視寶藏貨殖之產於山爲利尤溥亦盡地力者所不可不講也志山川

麓臺山在縣東南六十里南跨平遙縣界迤邐接武鄉沁源靈石縣界高八里盤踞三十里形似臺一名頂

祁縣志

卷二

山川

八

山又名蒙山又名竭方山有宋張商英麓臺銘

麓洞在麓臺山龍王廟中洞口風聲如吼深四丈餘內分四小洞正北爲龍王洞有水池上橫三木過此有石乳下垂滴水南則太子洞潤濟侯洞俱有垂石滴水遇旱取水禱雨輒應惟東南一洞遠不可測人無敢有深入者

小麓臺山在縣東南四十三里新寨村南十三里高五里盤踞十里奇石古木參差蔭翳環繞之山有九頭拱揖相向形象呼爲九頭朝陽山南數泉分流舊有

洞濟侯祠乾隆庚寅里人郭遇時募增樂樓樓之南
一爲百子石洞去北里許增建土地祠每歲四月二十
三日醮祝者絡繹不絕有邑庠生渠家麟碑記

南原在縣東南南閭漫胡累大安南等都東西二十餘里

南北十里 宜麥

伏巖嶺在縣東南三十里有伏巖水

上幘山在縣東南六十里高五里盤踞五里巍峩奇秀
上有五龍堂

下幘山在縣東南六十里高三里盤踞五里上有幽仙

祁縣志

卷二 山川

九

寺上幘下幘東接太谷南接武鄉晴巒朗嶂下臨廣
雨石樹和合巖嵒葱蔚有五龍二池

墜鐘崖在下幘山爲宋諸仙禪師遺蹟事詳人物志仙
釋

高峰壑山在上幘山東十餘里一名雲伏腦山分二支
轉而東北者爲綿嶺自麓十八盤始至巔轉而北者
爲龍山首有龍嘴 山巔積雪不化有雙泉志稱竹
綠冰崖花紅霜障

四縣腦山在幘山東南三十五里形勢峻廣陟巔見祁

縣太谷榆社平遙四縣

牛心山在縣東南七十里遶高六里盤踞四里水泉四
匝峰巒特秀山巔尖圓似牛心

紫荆山在牛心山南距縣百餘里山最高袤十里石多
五色西崖有赤土洞巔有泉池西巖有銀洞今閉西
北山梁下有風洞

溫風嶺在縣東南百里紫金山北巔有張果老窰下有
天井仙峰槽蹄諸蹟

雙臺坡在縣東南梁村東雙臺對峙

祁縣志

卷二

山川

十

黃羊坡在縣東南窰上村相傳揚六郎行兵至此迷失
道有黃羊引之故名

雙泉山在縣南三十里紫紅鎮南山有雙泉

石夫子洞在雙泉山石崖中內有夫子像明嘉靖中鑿
洞南一里有石似龍鴉嘴

石佛崖一名聖佛崖在紫紅鎮兩紫紅上渠下渠自崖
而分

胡甲水源出東南百六十里武鄉縣胡甲山北流經龍
舟谷名龍舟水滙諸泉折而西流經縣北又西經平

遙界入於汾名昌源河通志盤陀一川即胡源遡龍

舟谷水峪村北關其聚落也東巖一潭寒泓淨拭下

流多沙土人名沙河斛水斗泥鍤雲鍾雨水經行處

人多種竹雲梢不碧而白似太始雪水經注侯甲水

發源平遙縣胡甲山有長坡謂之胡甲嶺即劉歆遂

初賦所謂越侯甲而長驅者也蔡邕曰侯甲亦邑名

也在祁縣侯甲水又西北歷宜歲郊逕太谷謂之太

谷水出谷西北流逕祁縣故城南自縣連延西接鄆

澤是謂祁藪也即爾雅所謂昭餘所矣賈辛邑也辛

祁縣志

卷二 山川

十一

貌醜妻不為言與之如臯射雉雙中之則笑也王莽之示縣也

昭餘祁在縣東南七里祁城村周禮職方氏并州澤藪

曰昭餘祁明一統志稱昭餘祁在縣東南七里祁城

村澤久涸元至元十一年土人鑿得細水為昭餘池

歲漑民田旁建成湯廟

按爾雅十藪燕有昭餘祁郭注今太原鄆陵縣北九

澤是也周禮職方氏正北曰并州其山鎮曰恒山其

澤藪曰昭餘祁其川虛池嘔夷其浸沫易鄭注昭餘

祁在鄆漢志云鄆九澤在北是爲昭餘祁并州藪又漢志平舒有嘔夷川平舒卽今渾源州地北魏志鄆屬太原有慮水入嘔夷澤又永安中蔚州寄治并州鄆縣界水經注汾水於縣左迤爲鄆澤呂氏春秋謂之溫洩之澤又水經注嘔夷卽溫夷之水源出靈邱據爾雅周禮水經注及後漢北魏史志昭餘祁當在今崞縣渾源州界左傳昭二十八年晉司馬彌牟爲鄆大夫注今介休有故鄆城而通志注遂引路史昭餘祁在介休連延祁縣明一統志謂昭餘祁在祁縣

祁縣志

卷二

山川

三

一 東南七里祁城村當晉分祁氏以賈辛爲祁大夫司馬彌牟爲鄆大夫今祁城村去賈辛舊治故縣村僅六里何至逼處若此又晉地理志鄆祁尚并存舊志晉祁侯李熹由古縣徙居祁城如志所云固不當以澤藪爲城復不應徙居鄆地但年遠迹湮疑事勿質姑備錄諸說以俟考

義井在縣東南元義門溫義之井

滿井在縣東南十五里閻漫村水神溝冬夏恒流

伏羅水源出縣東南三十里伏羅嶺流經王斜村東名

王科河北入昌源河

石佛河源出縣東南四十里柏園村南坡下流至下申諸村漫散

通光水源出東南幘山北上莊東南溝中流出谷口益以太谷縣胡城谷水北流經縣東東管諸村名胡奚河至西北合昌源河入汾舊志出縣東南四十里胡城谷中北流一名胡城水

五龍池在幘山五龍堂前東西各一

迴馬谷水一名五馬河源出太谷縣東南迴馬谷流經

祁縣志

卷二

山川

十三

縣北西合昌源河入汾

馬跑泉有三二在麓臺山神祠南北一在上幘山東

紫紅池在紫紅鎮南山麓周圍石砌水甘

雙泉有二一在紫紅鎮南雙泉山流入溝灌田一在高峰壑山流入通光水

甄拔突泉二胥在南梁上莊東南溝中通光水之上流也

大井在縣東北開味甘

感應泉在新韓鎮後澗

海眼在馬射灣距城三十里水出其下冬不涸

形勝

麓臺峙於前昌源縈於後左翼鳳山右跨汾潞而通光
五馬諸河經絡其間通志謂羣山遙障東南清汾旋
繞西北蓋自古稱壯邑焉明人摘其勝概以為八景

國朝戴廷栻為之注

題詠詳
藝文志

麓臺龍洞 洞在麓臺山龍祠深四丈強洞口時有風
此一窩是為潛宅內有水池細橫三木朽若終古如
不勝梁者實爾精村過此則霜芽雪筍肥乳泉矣南
二小洞一則太子據之蓋龍孫也一則潤濟侯據之
水凝石滴正復不異是皆澤昭餘之神東南搏一洞

祁縣志

卷二

山川

十四

幽不可測大都黏雲濁霧皆帶龍腥探之者毛髮
鬣彘膚寸之間若嬰逆鱗無敢深入但生疑肅
昌源春水 源出武鄉胡甲山謂胡甲水北流經龍舟
西經縣北入於汾乃名昌源斛水斗泥歛雲鍾雨灌
漑之利併於鄭白所經處人多種竹雲稍修織不緣
而白若太始雪矣

幘山晚照

山在縣東南六十里晴巒朗岫下臨風雨
石樹和合巖崑葱蒨逸民隱士多於此篤

幽貞焉是有幽仙之蘭每羲御已去儀轡不來不日
不月虛室生白譙角再嚴夕同人問豈慧光不夜偏
照幽人耶

龍舟夜月

盤陀一川沿遯龍舟峪水峪村北蘭猶不
荒落烟稠山寺風滿灑旗估客遊子於焉

解鞍判籟密罔息旅愁矣東巖一潭寒泓淨拭孤雲
不外正不存遠殊悵齒與每晦日斯涼峰

誇密蔽而金波玉漣之兩顧鬼私明蟾蜍偷
清豈婦娥又將寄竊藥於此耶奇為佳觀矣

高峰積雪

高峰在嶺山東十餘里峻削孤寒冬夏有
雪山經所記正復有數西北寒門風氣

耶竹綠冰崖花紅霜嶂蘊薩登眺愈益艷人心目
至於近寒欣賜松灌了了拔白飛素遙通雪山矣

故縣龍槐

故縣即晉祁大夫奚食邑在今縣治東南
十五里有老槐一章豐本麻腫臞枝卷曲

匠者不顧鄉無何有難以不材得全其天年政大夫
嘗德今茲猶在祁人護之有過甘棠云耳又非大槐

安國夢遊

者此也

雙井古栢

栢在城西五里白圭村南黛團香葉黑溜
霜皮遠而望之峭薄雲舉信道梓矣蘭有

二井相去十餘步栢居其間喬柯分陰深根取潤蘇
輪雙響疑銀齊長浮以輕葉左右互達同源共脉而

一昔一苦物理
乖互殆難推別

沙城斷碑

沙城在縣西北八里按圖志云趙襄子嘗
厥經始舊有石碑文不可辨有羅者於此

獲一鴈去俄而一鴈投雲墮翻據碑圭俯仰哀鳴
晝夜不止聲既悲於鷓鴣血復類夫杜宇殷若丹砂

遂成石華鴈死而碑斷焉至今春來秋遞風雨晦明
之交猶有聞其哀鳴者即投身宰堵羽毛護法雖通

碍既殊迷悟亦迴方茲酸醅詎
非正念道心情緣於此並重矣

按舊志古蹟載沙城在縣西五里相傳為燕慕容垂

所築趙襄子城在縣西北八里圖志云趙襄子所築

此云沙城在縣西北八里疑有悞今斷碑不存失考

姑仍之

水利附

紫紅渠上渠自石佛岩南流經本鎮分灌鎮東西田
渠分自上渠流本鎮外灌正北田下渠自石佛岩北
流灌本鎮及洛陽村部北田

魯村渠自紫紅引灌本村田

龍濟渠自澗壑村北引灌大韓溫山邢城申村下申郭
村九角等七村餘水分灌小韓張名三及西關等田
官渠自河灣引水灌西六支村王村會善豐澤三及城
南在城及西關廂田

斜渠自河灣引水灌西六支秦村王村田

邢縣志

卷二 水利

十六

沙渠自西六支引灌劉家堡高村田

小沙渠自劉家堡北引灌高秦會善豐澤四村田

大東渠進登等開自順治四年在谷戀村東門外觀音
堂後濶二丈自東六支河引水河內南北築堰路經
馬家堡灌園圃村村北地盡而止

胡帳渠自東六支引灌小賈姜家堡長頭三村田

范公渠自東六支引灌姜家堡范公村戴家堡三村田

北左渠自東六支引灌左東左西北左等三村田

賈令渠自沙堡村引灌本鎮及豐澤豐戶等村田

均利渠開於雍正二年自大韓村後昌源河內引水灌
河灣南社梁家堡邢城西六丈三角村東門外等七
村田

豐固渠開自萬歷二十六年上接昌源河水經劉家堡
灌本村地畝

修善村新韓渠自西六支劉家堡引水路經塔寺高村
秦村豐澤等處入灌本村地畝

文邑豐戶渠濶七弓洪武二年開濬昌源河接水經河
灣等村以及劉家堡高村賈令鎮南引水灌里村田

邢縣志

卷二

水利

七

塔寺谷戀村小渠在二村兩界間濶三尺五寸長七里
有餘從昌源河引水灌塔寺村以至谷戀村北邊地
盡而止

公利渠自東澗村西澗村南門外引水灌武鄉村永安
村東觀鎮河灣村東六支村瓦屋村田

以上皆昌源河支流

南梁渠上渠自馮家峪村引水下渠自南梁溝引水灌

二村田

以上皆通光水支流

峪口村下渠自村前引水灌本村田

南梁下下渠自本村東南引水灌天衢村田

龍丈渠自魯村東北引水灌南團栢村澗村堡子村三
村田

黃劉渠一名公濟引用潯溪河水灌張庄村東邊地

尚家渠引用潯溪河水灌張庄村西邊地

大東渠自東六支小東渠引灌本村大賈高家堡瓦屋
小賈等五村田

溫三渠濶二丈自河灣村北引水灌大賈村小賈村瓦

祁縣志

卷二

水利

六

屋村三村田

西陽羽渠開於黃歷四十五年四月由潯源河引水開

至河灣村引至劉家堡與令鎮南灌西陽羽賈令等

村田 係潯源河支脈

青布古渠開自洪武二年係五道渠中一道渠心濶六

尺自潯源河引水灌東西營西高家堡三村田

城池 堡寨 武備附

祁扼汾潞之要控豫引雍故跋扈思啟晉元海左部
居祁唐僕固裨將守祁漢北宋金元固戎馬之衝也
九堡二寨築于明嘉靖時與城池相為犄角爾時汾
潞以南不被俺答之害者祁為之藩蔽也

國家承平百數十年閭里又安狼烟不試然可以百年
而不用不可以一日而少弛書曰惟事事乃其有備
有備所以無患也志城池

舊土城肇自後魏并州別駕分瓚所築圍四里餘三十

祁縣志

卷二

城池

九

步高二丈五尺厚一丈八尺池深一丈明景泰元年
知縣王章重修嘉靖間知縣岳魯增築署印太原衛
經歷莊科加高濶各五尺許創築東南北月城三座
增修敵臺三十座萬歷五年知縣王牧始用磚甃圍
廣如舊高厚又增之計高三丈三尺底濶三丈四尺
頂濶二丈二尺八年知縣張應舉撤東南二門樓加
建層閣月城警備諸舍咸用增飾濬壕四面各深一
丈濶三丈內牆一道高六尺外堤一道高七尺濶一
丈壕下植柳樹二千餘株扁其門東曰瞻鳳南曰凭

麓西曰挹汾北曰拱辰金湯壯麗稱雄障焉

國朝順治六年姜壤之變知縣王之鼎繕城固守康熙十年城復頽圯知縣陳祖法增修自爲記四十四年知縣朱理加修葺舊城北東隅女牆下有溝壑四十七處父老以爲災痕至是平之乾隆三十五年知縣陳德輝復修

西關城明嘉靖二十年知縣王允言創築周圍二里高二丈五尺底濶二丈頂濶一丈卑牆高五尺東北門各一座南門三座敵臺八座俱設樓舍西南北面各

祁縣志

卷二

城池

三

濬壕一道深一丈濶三丈護牆一道東倚大城壕隆慶四年知縣胡以祚磚以土墁

堡寨

南谷豐堡在縣西北二里嘉靖二十年築濶二百二十步高二丈五尺底濶二丈頂濶九尺女牆高五尺門一座敵臺六座俱有樓舍壕一道深一丈濶二丈護牆一道

高村堡在縣東北七里嘉靖二十年築圍四百步高二丈五尺底濶二丈頂濶一丈女牆高五尺門一座敵

臺一十座俱有樓舍壕一道深一丈濶二丈護牆一道

西六支堡在縣東北一十里嘉靖二十年築圍四百八十步高二丈五尺底濶二丈頂濶一丈女牆高五尺門一座敵臺九座俱有樓舍壕一道深一丈濶二丈護牆一道

武鄉堡在縣正東二十里嘉靖三十年築圍一百二十步高二丈五尺底濶二丈頂濶八尺女牆高五尺門一座敵臺四座俱有樓舍四面深溝數丈護牆一道

祁縣志

卷二 城池

三

溫曲堡在縣東南十里嘉靖二十年築圍二百步高二丈五尺底濶二丈頂濶八尺女牆高五尺門一座敵臺四座俱有樓舍壕一道深一丈濶二丈護牆一道

白圭堡在縣東北三十里嘉靖二十年築圍四百一十步高二丈五尺底濶一丈七尺頂濶八尺女牆高五尺門二座敵臺四座俱有樓舍壕一道深二丈濶二丈護牆一道

谷戀堡在縣東北十八里嘉靖二十年築圍五百五十步高二丈五尺底濶二丈頂濶一丈女牆高五尺門

二座敵臺四座俱有樓舍壕一道深一丈濶二丈護牆一道

賈令堡在縣正北十五里嘉靖二十年築圍八百步底濶二丈頂濶一丈女牆高五尺門三座敵臺一十六座俱有樓舍壕一道深一丈濶二丈

王村堡在縣東北七里嘉靖二十年創築周圍三百六十步高二丈五尺底濶二丈頂濶一丈女牆高五尺門二座敵臺七座俱有樓舍壕一道深一丈濶二丈護牆一道

祁縣志

卷二

城池

三

安寨在縣東南三十里紫紅鎮雙泉山頂詳關梁
來遠寨在縣東南七十里詳關梁

新寨在縣東南三十里周三里三面臨溝明崇正六年里人於南面增築堡牆高二丈五尺長二百四十步門二座內居民約百餘戶有潤濟侯行祠村南里許地名馬道坡里傳潤濟侯放馬處有古槐一株狀如華蓋每逢元旦近邑人夜至醮祝者甚衆村西有天

戍土橋可通車馬各曰天橋又附近有平曰河南曰河北曰井子溝曰柳家溝曰郭家庄曰百泉頭曰隈家平曰常山曰賈背大庄

冲天墩五座一在小韓村一在胡帳都一在小義村一

在砲守堡一在東六丈各高三丈圍約十五丈上蓋瓦棚俱隆慶間設

新韓鎮在縣北三十里左東村萬歷二十五年知縣韓朝貢建內有察院行臺一座小官廳一所東西棚門周圍牆垣交界坊牌鎮成甘泉出名其泉為感應泉云今亡

武備 附

明祁縣兵二百二十六名 府志

國朝縣城太原營千總一員兵二十名

祁縣志

卷二 城池

三

左東舖兵三名 東陽羽兵三名

賈令鎮兵五名 豐澤舖兵三名

西關兵五名 五里舖兵三名

十里舖兵三名 界牌頭兵三名

白圭鎮兵五名 團栢舖兵五名

紫紅鎮兵五名 盤陀口兵五名

來遠鎮兵三名

共守兵七十一名

演武場在縣北一里許長一百四十八步濶三十四步

有廳有將臺有門

將臺舊土築知縣韓朝貢磚甃

軍器紅儀大砲四位次號京樣砲四十位二號京樣砲
四十位三號京樣砲一十六位督虎砲四位三眼銃
五十三杆佛郎機一十杆獨眼銃四百八十杆貯庫
一火藥三萬黑鉛一百八十觔硝磺一千五十觔

關梁 驛遞附

祁西南道河東通秦隴東南踰上黨達中州北當直省孔道固四達之衝也

國家德威遠暢鈞冲以西二萬餘里盡隸版圖獻琛納賚以時貢輸皆涉昌源河出賈令驛若由晉而豫則道經盤陀溯昌源而上關隘稱絕險焉五代北宋以來防禦戰守可考者悉爲採錄以資觀覽其東西兩驛增設裁減事宜及西七舖東五舖道里遠近並著于後志關梁

祁縣志

卷二

關梁

三五

龍舟峪關東南九十里南通沁州北通徐溝兩壁皆山道傍有胡甲水明洪武三年置巡檢司 龍舟峪巡檢司舊在北關鎮今裁

北關鎮東南九十里相傳宋太祖取河東克金鎖關卽此

來遠鎮在盤陀東南去縣七十里 來遠寨嘉靖間設在來遠鎮東山巔圍三百二十步高六丈四面臨溝上石牆五尺

盤陀鎮紫紅鎮東南去縣五十里 宋太祖由盤陀取太

原

紫紅鎮東南三十里南倚雙泉山山有雙泉 安寨一名永寧寨嘉靖間設在雙泉山巔圍二百六步西面牆高二丈壕深濶各一丈東南北三面牆高一丈九尺臨溝門一座內有真武廟

團栢鎮東南六十里白圭鎮南東接太谷南接武鄉

後唐趙德鈞由土門口入欲併潞州兵乃趨潞州子延壽以兵屬焉德鈞屯團栢谷口不進廢帝使自飛狐出擊契丹後德鈞南出吳兒即吾兒峪會延壽於西唐

祁縣志

卷二

關梁

三六

廢帝幸懷州遣北面行營馬軍都指揮使康思立將從駕騎兵出團栢救張敬達未至而敬達死

按金志祁縣鎮一團栢

隆舟城東南三十里團栢鎮東北漢廣運二年七月築隆舟城於祁縣東三十里備宋師祁縣東三十里有隆舟故城劉繼元築以拒周成河東記太平興國四年春王師築嵐州次于隆舟其說差異 宋太平興國初控鶴軍副指揮使徐興從潘美屯團栢谷奮與賊鬪生擒偽兵馬都監李美身被重創無所回橈四

年乙丑克隆州獲其招討使李詢等六人五月丁酉
廢隆州隳其城 靖康元年二月甲寅金粘罕攻太
原不克分兵過南北關權威勝軍等直以城降乙卯
陷隆德府 河東制置使姚古進兵復隆德府威勝
軍扼南北關與金人戰互有勝負及种師中敗金人
進兵迎古遇於盤陀古兵潰退保隆德 制置使姚
古率兵至隆州谷突合連與拔离速以步騎萬餘禦
之 金幹論活女既敗种師中進攻宋制置使姚古
軍於隆州谷大敗之 金興定四年嵐州觀察使古

里甲石倫言北兵攻平陽將及潞州還當由龍州谷
以入太原請兵扼其歸路 金元光初義勝軍節度
使禹顯扼龍猪谷 卽龍州谷 破元軍擒元帥韓光國追至
祁縣而還

胡甲水源出武鄉縣胡甲山之北流經龍舟谷 龍舟一作隆舟

名龍舟水會合諸泉折而西流經縣北又西經平遙
界入汾名昌源河下流多沙土俗呼沙河

按隆州谷一名龍舟谷一名隆舟谷
名龍猪谷

界於頭南二十里平遙界

上段橋在縣西二十里以土木結構爲之徒輿咸利焉
賈令橋在縣北十五里制如上段夏間撤去秋杪復修
秦村橋在縣北七里杜惠王德仁等新建歲時修撤
東六支橋在縣東十五里制如賈令

澗村橋在縣東南二十里用木爲架而鋪板於上亦歲
時修撤

團栢橋在團栢鎮北萬歷年間建

韓令橋在縣城南門外知縣韓朝貢建

祁縣志

卷二

關梁

夫

驛遞

附

祁彈丸邑設置兩驛盤陀通上黨賈令達川陝衝疲
苦累倍於他邑明會典有文水協濟馬二十五匹交
城一十匹清源三匹以均其勞逸年遠弊生三縣遂
抗不行

國朝定鼎二年知縣孫建宗議復協濟舉人馬雲駟馮
萬順閻三才程奇貞等力控上台以孤邑勢不果行
三年因會試復偕萬順到京條遞通狀奉文督復三
縣協濟而衝途之困少甦矣

賈令驛明原額馬戶四十名每名馬二匹順治十一年酌定馬戶三十九名半康熙十五年裁減馬夫四名半額馬七十匹因協濟神池縣馬一匹添設趙城縣馬三匹撥協山岔站馬二匹共去馬六匹額馬六十四匹嗣汾陽驛協濟賈令驛馬七匹又繁峙縣協濟賈令驛馬三匹又盤陀驛協濟賈令驛馬三匹共添馬十三匹今額馬七十七匹馬夫三十八名半賈令廠夫九十名

盤陀驛明原額馬戶二十五名每名馬二匹順治十一

年酌定馬戶一十六名康熙十五年裁減二名半雍正五年裁減馬夫三名半額馬二十匹因協濟保德州馬五匹又協濟殺虎口八十家站馬二匹又協濟賈令驛馬三匹共去馬十匹今額馬十匹馬夫五名盤陀遞運所設夫六十名雍正十年六月奉文裁二十五名實存夫三十五名兩驛馬夫廠夫所夫歲支銀兩詳田賦志至汾陽驛繁峙縣盤陀驛協濟賈令驛馬共十三匹馬夫六名半歲支銀兩另由司庫給領至東鋪北界徐溝縣八里至東陽翼鋪五里至賈令鋪

十里至豐澤鋪北關外五里至高城鋪卽五里鋪十里至東

城鋪卽十里鋪五里至交界鋪卽鄭家鋪南界平遙縣共四十

三里以上為西路賈令驛七鋪

白圭鋪北界太谷縣十五里至團栢鋪十五里至紫紅

鋪盤陀驛移二十里至盤陀鋪二十里至來遠鋪十

里至北關南界武鄉縣共八十里以上為東路盤陀

驛五鋪